

*Agrupashon: ICONS
Kompositor di Letra i Melodia: Axel Pikero
Areglista: Axel Pikero*



KITARA BAN!

Thallysa Jano

Kitara kompañá mi kanta un melodía
Un melodía kargá ku deseo
Den universo lo mi tira mi anhelo
Kitara ban manifestá

Ban, den kaya grandi nos ta ban
Proklamá prosperidat
Bailando ku otro

Karnaval a yega 'we den su grandesa manera m'a visualis'e
M'a sigui strea i skein orkan, no tin nada mas ku por stroba nos
Bida ta kòrtiku, disfrutá promé ku solo baha
Laqa nos kibra tur kadena ku ta mara nos na ignoransia

Skucha!	
Si bo'n por bula,	koro: kore!
Si bo'n por kore,	koro: kana!
Si bo'n por kana,	koro: gatia!
Si bo'n por qatia,	koro: lastra!

Djis sigui move,
Sin wak atras
Nos ta resiliente
Nos ta sigui marcha bai

Koro: Marcha bai

Ami ku mi kitara
abo kara na laira
Benta agonia atras
nos a bin pa celebrá
Den kaya, ban forma un pachanga
Ku tu ku tu ku tumba na kustia
Nos t'ei celebrá

Kitara kompañá mi kanta un melodía
Un melodía kargá ku deseo
Den universo lo mi tira mi anhelo
Kitara ban manifestá

Koro largu: Segun gabié manda, kulu di kanoa ta yangá
Ya deseonan ta pidí, Tata gran bin dirigí
Bo tras nos ta bai
Ku tu ku tu ku tu ku tumba na kustia ta lastra un pia un pia
Ai ai ai kitara raya Mi ,Si, La, Sòl pa celebrá bida

Bida ta un dushi.. Waw!
un lekker.. Si!
Pa kiko strès, ban hasi bon ku otro
Bida ta un dushi.. Waw!
un lekker.. Si!
Tin abundansia pa tur

Koro - Pregon
Si bo tin un soño, sera wovo anto,
B'a visualis'e, b'a afirm'e, mand'e mand'e
Ku fé, tir'e!
Ora bendishonnan bin, lo bo keda boka habrí

koro: Tir'e den laira
koro: Mand'e bai laira

Koro: "Oh my God"
Ai bo só lo kanta
Bo só lo grita
Bo só lo baila
Bo só ta smail

M'a bisa bo kara na laira
 Bin kompañá mi den marcha
 Miéntras tin bida tin speransa
 Kos bon tin biahá ta tarda
 Esta un felisidat baila den nos karnaval
 Esta un felisidat nos ta “real” bendishoná
 Proklamá pa bo keda kla

Basilon:

Bo tin un soño,	koro: Tir'e den laira
Bo tin un anhelo,	koro: Mand'e bai laira
Ai un deseo,	koro: Tir'e den laira
Bai universo,	koro: Mand'e bai laira

Koro: Ai karamba, mi kurason t'ei kue tapatapa

Ki felisidat, di felisidat

Tapatapa} 8x

Ai ki alegría

Deseo kumplí ta bida largu

Kitara kompañami pa nos koncha te na Awa sa

Splikashon:

‘Kitara ban’ su proposito ta duna pa speransa na tur ku tin un of otro deseo. No a mara e tema na niun deseo spesifiko ya kada un persona por haña nan mes den e historia. Tin biahá den bida nos ke tur kos na e momento ku nos ta deseá, pero manera nan ta bisa “hende ta proponé pero Dios ta disponé.

Dikon e koro “Oh my God” na un otro idioma ku no ta papiamentu? Mi ta kere firmemente ku ta tempu pa nos tumba realmente krusa frontera. Un ekstranhero ta eksperensiá e tumba modérno como un música eksótiko. Un ritmo agresivo i kompleho (6/8) ku un struktura musical kisas no masha konosí pe. Kisas si e ta komprondé alomenos kiko nos ta kanta, ta yuda e tumba bira mas digestivo pa e ekstranhero.